




Sensibilité politique
Boîte postale 83
L-7201 Bereldange

Ministère de l'Agriculture, de la Viticulture et du Développement rural, 8	
Référence: 114/2020	
03 MARS 2020	
A traiter par:	Fernand ETGEN President vun der Deputéiertechamber
Copie à:	19, um Krautmaart L-1728 Lëtzebuerg



Lëtzebuerg, den 29/02/2020

Här President,

Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un de Minister fir Landwirtschaft welderzeleeden.

Op de soziale Medien zirkuléiert ee Video, an dem d'Schluechtprozedur an engem Schluechthaus zu Lëtzebuerg opgehol gouf. D'Szeen gouf verstopp gedrängt a weist de Raum, wou d'Déieren zerluecht ginn. Am Video ass kloer ze gesinn, wéi eng Kouh ouni Betäubung dout gemaach ginn ass. De Video weist wéi d'Déier, wat nach gelieft huet an nach zuckt, bei vollem Bewosstsinn den Hals opgeschnidde kritt.

Den Artikel 9 vun eisem Déiereschutzgesetz leet fest:

"(1) La mise à mort d'un animal ne peut être effectuée qu'après étourdissement. Cette disposition ne s'applique pas en matière de chasse, de pêche récréative et de lutte contre les organismes nuisibles. Lors de la mise à mort d'un animal, toute douleur, détresse ou souffrance inutile doit être évitée."

An deem Zesammenhang wëllt ech dem Minister dës Froe stellen:

1. Wéi ass et dem Minister no z'erklären, dass een Déier ouni Betäubung an engem Schluechthaus dout gemaach gouf? Kann de Minister ausschléissen, dass et reegelméisseg zu esou Tëscheffäll an de Schluechthaiser zu Lëtzebuerg kënnt? Falls jo, wéi kann hien dat beleeën?
2. Opgelëscht no Déierenaart a Joer, wéi vill Déiere sinn an de leschten 5 Joer zu Lëtzebuerg geschluecht ginn?
3. Wéi vill Stonnen den Dag däerf an de Schluechthaiser geschluecht ginn?
4. Wéi vill Lait schaffen an de Schluechthaiser zu Lëtzebuerg a wéi huet sech d'Unzuel un Aarbechter an de leschte 5 Joer entwéckelt?
5. Wéi eng Formatioun mussen d'Schluechter an de Schluechthaiser zu Lëtzebuerg hunn, fir Déieren dierfen dout ze maachen?
6. Wéi oft sinn d'Schluechthaiser an de leschten 3 Joer vun der Veterinärsinspektioun kontrolléiert ginn? Wéi vill Verstéiss géint d'Déiereschutzgesetz goufen an där Period festgestallt? Falls keng oder wéineg Verstéiss festgestallt goufen, kéint ee Grond dofir sinn, dass net genuch Kontrollen duerchgefouert ginn?
7. Wäer et aus Transparenzgrënn an am Sënn vun engem konsequenten Déiereschutz bei der Herstellung vu Fleeschprodukter net wichtig, Kameraen op de Schluechtsitten ze installéieren? Falls dëst schonn de Fall ass, wien traitéiert dat



www.piraten.lu



Sensibilité politique
Boîte postale 83
L-7201 Bereldange

Videomaterial a wéi vill Verstéiss goulén iwwert dee Wee nodréiglech festgestallt?

8. Wéi eng weider Schrëtt wäert de Minister ënnerhuelen, fir dass d'Déiereschutzgesetz agehale gëtt an d'Wuel vum Déier och an de Schluechthaiser garantéiert ka ginn?

Mat déiwem Respekt,

GOERGEN Marc
Député



www.piraten.lu



Réponse du Ministre de l'Agriculture, de la Viticulture et du Développement rural à la question parlementaire n° 1957 de l'honorable Député Monsieur Marc Goergen

- 1. Wéi ass et dem Minister no z'erklären, dass en Déier ouni Betäubung an engem Schluechthaus dout gemaach gouf ? Kann de Minister ausschléissen, dass et reegelméisseg zu esou Tëschefäll an de Schluechthaiser zu Lëtzebuerg kënnst ? Falls jo, wéi kann hien dat beleeden ?**

Den Deputéierte Marc Goergen huet a senger Question parlementaire geschriwwen, dat an engem Schluechthaus zu Lëtzebuerg eng Kou ouni Betäubung bei vollem Bewosstsinn geschluecht gi wier, an dat een dat géif däitlech op engem Video aus de soziale Medie kennen erkennen.

Keen vun den doropshi kontaktéierten Experte konnt dat awer confirméieren, sou dat et sech hei em eng Falschinformation handelt, déi benotzt ginn ass, fir d'Bierger ze täuschen.

De Video, op deem den Här Goergen sech bezitt, weist een normalen Oflaf vun der Schluechtung vun engem Randbéischt an engem lëtzebuerger Schluechthaus. No deem d'Déier an dem Fall betäubt ginn ass, gëtt et iwwert en Treuil op d'Schluechtlinn gehaang, fir dann an engem virgeschriwwenen Delai geblitt ze ginn, wat zum Doud vum Déier féiert, an der Anaesthésie. De Respekt vum Bien-être animal à l'abattage ass duerch eng spezifesch europäesch Legislatioun (Règlement (CE) n°1099/2009 du Conseil du 24 septembre 2009 sur la Protection des Animaux au Moment de leur mise à mort) an eist nationaalt Déiereschutzgesetz bis an de leschten Detail gereegelt. Et gëtt eng Rei Sécherheitsbarrièren a Kontrollmechanismen, fir des Dispositiounen ze kontrolléieren. Op éischter Platz huet d'Schluechthaus Pflicht, déi Iwwerwaachung duerch eeg Kontrollen ze garantéieren.

Dëst geschitt mat Checklëscht vum Service technique a Service qualité, souwéi automateschem Opzeechne vun essentiellen Parametere.

Weider besteet eng permanent Kontroll duerch Veterinärinspektore vun der Veterinärsverwaltung vum ganze Schluechtungsprozess, vum Ofluede vun de liewegen Deiere bis an de Frigo nom Schluechten.

Et ginn och reegelméisseg Auditte vun Inspektore vun der Europäescher Kommissioun duerchgefouert, fir ze iwwerpräiwen, ob déi national Autoritéiten déi europäesch Legislatioun respektéieren. Bis elo krut Lëtzebuerg bei dësen Auditte betreffend de Respekt vum Bien-être animal à l'abattage ëmmer eng gutt Zensur ausgestallt.

Zousätzlech ginn och reegelméisseg Auditte gemaach vun Auditfirme wei IFS, Qualitétslabelen, a grouse Clienten, an deenen den Déiereschutz ëmmer méi eng wichteg Roll spillt.

2. Opgelëscht no Déierenaart a Joer, wéivill Déiere sinn an de leschte 5 Joer zu Lëtzebuerg geschluecht ginn?

Des Zuele kann een an de jeeweilege "Rapports d'activités" vum Ministère noliesen.

3. Wéivill Stonnen den Dag däerf an de Schluechthaiser geschluecht ginn?

Hei si keng direkt Limitte festgehal, mee et zielen natierlech déi allgemeng Reegele vum Aarbechtsrecht, déi musse respektéiert ginn. Ganz oft ass de Facteur limitatif vun den Zuele vu Béischten, déi kënnen geschluecht ginn, bedéngt duerch d'Frigoskapazitéiten, well d'Schluechtkierper mussen an enger gewëssener Zéit op eng Temperatur ënner 7°C gekillt ginn, fir d'Liewensméttelsécherheet ze garantéieren an och d'Qualitéit vum Fleesch ze optimiséieren.

4. Wéi vill Lait schaffen an de Schluechthaiser zu Lëtzebuerg, a wéi huet sech d'Unzuel un Aarbechter an de leschte 5 Joer entwéckelt?

Des Zuelen stinn mengen Servicer net zur Verfügung.

5. Wéi eng Formatioun mussen d'Schluechter an de Schluechthaiser zu Lëtzebuerg hunn, fir Déieren dierfen dout ze maachen?

Eng Partie vun de Mataarbechter hunn eng Formatioun als Metzler, mee an deene meeschte Fäll ginn des am Betrib selwer ausgebilt, well jo déi verschidde Schluechthaiser verschidden Techniken uwenden, fir déi een op der Platz forméiert gëtt.

Zudeem sinn d'Schluechthaiser wéi all Liewensméttelbetriber verflucht, reegelméisseg Formatiounen fir hier Mataarbechter ze maachen, ënner Anerem am Beräich Liewensméttelsecherheet.

Fir Mataarbechter, déi mat liewegen Déiere schaffen, ass eng obligatoresch Formatioun am Beräich "Déiereschutz" virgesinn, ee sougenannten "Certificat de compétence".

Den Inhalt an den Oflaf vun der Formatioun sinn am Règlement (CE) n°1099/2009 geregelt.

6. Wéi oft sinn d'Schluechthaiser an de leschten 3 Joer vun der Veterinärsinspektioun kontrolléiert ginn? Wéi vill Verstéiss géint d'Déiereschutzgesetz goufen an där Period festgestallt? Falls keng oder wéineg Verstéiss festgestallt goufen, kéint ee Grond dofir sinn, dass net genuch Kontrollen duerchgefouert ginn?

D'Schluechthaiser stinn ënner permanenter Kontroll vun der Veterinärsinspektioun, well déi europäesch Legislatioun virgesäit, dass während der ganzer Aktivitéit ee Veterinärinspekter offiziell present muss sinn. Mir hunn an eise Schluechthaiser 1 oder 2 Veterinärinspekteren, déi ganzdags do schaffen an och hier Büroen do hunn, an déi zousätzlech vun enger gewëssener Zuel vu Veterinärpraktiker ënnerstëtzt ginn, déi verschidden Aufgaben iwwerhuelen.

Nieft den Hygiënekontrollen, déi am Kader vun der Liewensméttelsécherheet gemaach ginn, gëtt op all Déier eng "Inspektioun ante mortem" gemaach, fir ze iwwerpräiwen, ob d'Déier gesond ass, den Déiereschutz respektéiert ass an zudeem, ob d'Déier korrekt identifizéiert ass mat Ouermarken, fir nom Schluechten d'Traçabilitéit vum Fleesch kënnen ze garantéieren.

Op der Schluechtkette selwer gëtt op all eenzel Schluechtkierper eng "Inspektioun post mortem" gemaach, fir eventuell Verännerunge festzustellen, déi dozou féieren, dass dat Fleesch net an de Konsum kennt mee zerstéiert muss ginn.

Betreffend dem Déiereschutz kann ee festhalen, dass an deene leschten 3 Joer keng gréisser Verstéiss festgestallt goufen, wat sécher net op eng mangelnd Frequenz vun de Kontrollen zeréck ze féieren ass.

- 7. Wäer et aus Transparenzgrënn an am Sënn vun engem konsequenten Déiereschutz bei der Hierstellung vu Fleeschprodukter net wichteg, Kameraen op de Schluechtsitten ze installéieren? Falls dëst schonn de Fall ass, wien tritéiert dat Videomaterial, a wéi vill Verstéiss goufen iwwert dee Wee nodréiglech festgestallt?**

An eise Schluechthaiser sinn op deene kritesche Plaze Kameraen installéiert, déi et méiglech maan, eventuell Verstéiss ze dokumentéieren.

Am Fall vun engem Verdacht oder Ofwäichunge vun der Norm, ginn déi Opzeechnungen vun de Responsabele vum Schluechthaus, zesummen mat de Veterinärinspekteren, déi all Moment Zougrëff zu deenen Donnéeën hunn, benotzt an ënnersicht.

- 8. Wéi eng weider Schrëtt wäert de Minister ënnerhuelen, fir dass d'Déiereschutzgesetz agehale gëtt an d'Wuel vum Déier och an de Schluechthaiser garantéiert ka ginn?**

Vu dass d' Schluechthaiser ënner konstanter Kontroll vu verschiddenen Instanze stinn, wat de Respekt vum Déiereschutz betrëfft, si keng weider Schrëtter néideg.

D'Aarbecht vun de Veterinärinspekteren an de Schluechthaiser garantéiert souwuel de "Bien-être animal" wéi och d'Liewensméttelsécherheet.
